



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad  
Annum 1757 - Cum Appendice ad Annos 1744. 1745. 1748

**Luxemburgi, 1758**

XII. Beatificatio Ven. Servi Dei Josephia Cupertino Sacerdotis Professi  
Ordinis Fratrum Monorum Conventualium S. Francisci. 20. Februarii.

---

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

Minori, e Maggiori; ed è anche vigente la controverfia, fe la prima Tonfura fia, o non fia Ordine. E con pienza di cuore abbracciandola, le diamo l'Apofolica Benedizione.

Datum Romæ apud Sanctam Mariam Majorum die 15. Februarii 1753. Pontificatus Noſtri anno decimoſexto.

nimirum ratione, quod Alexandrina Conſtitutio de Ordinibus Minoribus, atque Majoribus diſerte caveat; quæſtio autem eſt non adhuc definita, utrum prima Clericalis Tonſura ſit Ordo, nec ne. Denique Fraternitati Tuæ, quam pleno cordis affectu complectimur, Apofolicam Benedictionem impertimur.

Datum Romæ apud Sanctam Mariam Majorum die XV. Februarii 1753. Pontificatus Noſtri anno decimoſexto.

Dat. 15. Februarii 1753.

XII.

Beatificatio Ven. Servi Dei JOSEPHI A CUPERTINO Sacerdotis Profeſſi Ordinis Fratrum Minorum Conventualium S. Franciſci.

## BENEDICTUS PAPA XIV.

*Ad perpetuam rei memoriam.*

**A**TERNUS DEI FILIUS, eſſi ante Mundi originem, Patri cœqualis, æquè ſemper regnaverit, in plenitudine tamen temporum ideo apparuit patefactus in carne, ut juxta Prophetarum vaticinia, collapſa reedificando, & diruta inſtaurando, Regnum ſuum in ultimos uſque Terræ fines contra antiqui hoſtis tyrannidem erigeret, & ſtabiliret. Quicumque igitur in hoc Regno, quod ex omnibus Linguis, & Populis colligendum erat, tamquam Cives adſcribi fatagunt, illud violenter expugnare, & aſſequi debent; cum hoc perpetuum edictum, & in omnem vitam iſtis promulgatum voluerit Chriſtus Dominus, quod ignem venerit mittere in Terram, & quod nihil aliud peteret, niſi ut accenderetur, & arderet. Hoc ſolo Cœleſti igne mentes hominum undequaque inſtaurantur, cum ardore Spiritus Sancti aſſatæ & ſuccenſæ, terrenis cupiditatibus compreſſis atque devictis, in Dei amore rapiuntur, atque in ſimilitudinem, imaginemque ejus conformantur.

§. 1. Divinæ hujus potentie locupletiffimum Teſtem habemus in Venerabili Servo Dei JOSEPHO A CUPERTINO Ordinis Fratrum Minorum Sancti Franciſci Conventualium nuncupatorum Sacerdote profeſſo, qui, cum in hoc Chriſti Regno ejus ſervituti ſe devoverit, veterem exiit hominem, & novum induit, & Ducem, & Antefignanum Franciſcum, per altiffimam paupertatem, per omnimodam ſui abnegationem, per orationis inſtantiam, per Crucis meditationem, per arcta ſilentia, & per longas inediaſ imitari contendit. Verùm cum penitus intellexiſſet, quod etiamſi tradidiſſet corpus ſuum, ita ut arderet, nihil illi prodeſſet, niſi charitatem habuiſſet; hinc factum eſt, ut in hoc primo, & maximo Deum diligendi mandato, cogitationes omnes, omneſque vires enixe conferret. Ex hac intima cum Deo unione adeo cor ejus Divinæ charitatis igne corripiebatur, & incredibili internæ dulcedinis amore totum deſagrabat, ut in ecſtaſes, & raptus aliquando erumperet; & cum Incola teneretur in Terra, præ vehementiſſimo Dei ſui deſiderio, tamquam domeſticus haberetur in Cœlis. Quapropter ejus nomen omnium ſermone celebrari cœpit, quod nec inacceſſa loca, nec ſecretiora cubacula, in quibus quandoque moram obediendo traduxit, continere poterunt; donec relictiſ Auximi in Piceno die decimanona Septembris anno milleſimo ſexcentiſimo ſexageſimo tertio inter ſociales ſuos mortalitatis exuviis, ad æterna præmia vocatus, ad cœleſtem Patriam commigravit.

§. 2. Percrebreſcente itaque in dies ejus ſanctimonie clariffima fama, ad Congregationem Venerabilium Fratrum Noſtrorum S. R. E. Cardinalium Sacris Ritibus præpoſitorum Cauſa deducta eſt; ubi cum de Virtutibus æſtimandis, juxta Canonicas ſanctiones, quæſtio de more haberetur, ſel. rec. Clemens PP. XII. Prædeceſſor Noſter decimo octavo Kalendas Septembris anni MDCCXXXV.

in gradu heroico conſtitutas eas eſſe pronuncia- vit. Porrò coram Nobis ad univerſalis Eccleſiæ regimen Divina miſeratione vocatis, cum de Miraculis diſceptaretur, non abſque ſupremo conſilio factum eſſe cenſemus, ut ea ipſa die, videlicet die decima nona elapſi Septembris, Generalis Congregatio ſuper hac re coram Nobis cogere- tur, qua Venerabilis Dei Servus ſexagenario major, meritis cumulatus, mortalitatem explevit in Terris, & immortalitatem inchoavit in Cœlis. Duo ex Miraculis, quæ diſcutienda proponebantur, Conſultorum ſuffragiis, & Venerabilium Fratrum Noſtrorum S. R. E. præfatæ Cardinalium ſententiis conſentientibus, probanda eſſe cenſimus; & Decretum ſuper eiſdem Noſtrum proferre, & promulgare volumus die Sancto Franciſco de Aſſiſio ſacra, poſtquam ad ejus Aram provoluti in Baſilica SS. XII. Apoſtolorum de Urbe, Omnipotenti Deo Hoſtiam placationis obtulimus; quam diem eum in finem delegimus, ut Sanctitatem in hac Franciſcana Familia a Seraphico Parente ſuo inveſtam, uberrimo Eccleſiæ proventu, in ejus Alumnis in dies adoleſcere, novis atque mirificis argumentis conſtaret.

§. 3. Quapropter precibus tandem Regum, Epiſcoporum, aliorumque Principum, necnon dilectorum Filiorum Fratrum Minorum Conventualium Paterna clementia annuentes, de ejuſdem Cardinalium Congregationis conſilio, & aſſenſu, auctoritate Apoſtolica, tenore præſentium indulgemus, ut idem Dei Servus JOSEPHUS A CUPERTINO in poſterum BEATI nomine nuncupetur; ejuſdem Corpus, & Reliquiæ venerationi Fidelium ( non tamen in Proceſſionibus circumferendæ ) exponantur; Imagines quoque radiis, ſeu ſplendoribus exornentur; ac de eo quotannis die decima octava Septembris, quam diem pro ejus Feſtivitate celebranda præſcribimus, ſub ritu duplici minori, recitetur Officium, & Miſſa de Comuni Confefſoris non Pontificis, cum Oratione a Nobis approbata, juxta Rubricas Breviarii, & Miſſalis Romani: Recitationem autem Officii, & Miſſæ celebrationem hujusmodi fieri concedimus tum in proprio Minorum S. Franciſci Conventualium Ordine, in quo ſolemni emiſſa Profeſſione uſque ad obitum permanſit; tum in Ordine Fratrum Minorum ejuſdem Sancti Franciſci Capuccinorum ( inter quos per aliquot annos commoratus eſt ); ac de Obſervantia, Reformatorem, Recollectorum, & Excalceatorum, ac Tertii Ordinis nuncupatorum; tum in Oppido Cupertini, in quo Vir Dei in lucem prodivit, ac in tota Diœceſi Neritonenſi: in Noſtris etiam Civitatibus Aſſiſi, illiuſque Diœceſi; Terra de Petra Rubea Diœceſis Feretrane; Forſempro- ni, & illius Diœceſi, quæ loca ſuo incolatu, & virtutibus illuſtravit; tum denique in tota Diœceſi, & Civitate Auximana, in qua ipſe obdormivit in Domino; tum apud Archiconfraternitatem ſub invocatione S. Antonii Patavini in eadem Baſilica SS. XII. Apoſtolorum de Urbe, & Confraternitatem S. Stephani in Civitate Aſſiſienſi canonicè erectas, in quas cooptatus fuit; ab univerſis Chriſtifiſidelibus tam Regularibus, quam Sæcularibus, qui ad Horas Canonicas tenentur, & quoad Miſſas attinet, etiam ab omnibus Sacerdotibus in Eccleſias, in quibus Feſtum peraguntur, confluentibus. Præterea primo dumtaxat an-

Item Miraculorum.

Beati nomen, cultus, & honores eidem decernuntur.

Data della Lettera alli 15. di Febraio 1753.

Proceſſum.

Commemoratur virtutes Beati Vi.

Et præferuntur in Deum charitatem.

Approbatio Virtutum in gradu heroico.

no a datis hifce Litteris, in Ecclefiis Fratrum Minorum Conventualium, caeterarumque Francifcanarum Familiarum, Civitatum, Terrarum, Oppidorum, & Diocefum, Archiconfraternitatis, & Confraternitatis hujusmodi, folemnia Beatificationis ipfius Servi Dei cum Officio sub ritu duplici majori, & Miffa, die ab Ordinariis refpectivè conftituta, poftquam in Basilica Nofta S. Petri in Vaticano peracta fuerint Solemnia, nempe die vigefima quarta currentis Menfis, celebrandi facimus poteflatem.

Claufula.

§. 4. Non obftantibus Conftitutionibus, & Ordinationibus Apoftolicis, ac Decretis de non cultu &c. editis, caeterisque contrariis quibufcumque. Volumus autem, ut earundem praefentium Litterarum tranfumptis, feu exemplis, etiam impreffis, manu Secretarii dicte Congregationis Cardinalium fubfcriptis, & figillo Praefecti ejuſdem Congregationis munitis, eadem prorfus fides ab omnibus, & ubique locorum, tam in iudicio, quam extra illud habeatur, quae ipfis praefentibus haberetur, fi forent exhibitae, vel oſtenſae.

Dat. 20. Februarii 1753.

Datum Romae apud S. Mariam Majorem ſub Anno Piſcatoris die xx. Februarii MDCCCLIII. Pontificatus Noſtri Anno Decimotertio.

D. Card. Paſſioneus.

XIII.

Confirmatio & innovatio Privilegiorum, Gratiarum, & Jurium, Militaris & Hoſpitalis Ordinis SANCTI JOANNIS JEROSOLYMITANI: cum aliquibus declarationibus, & ampliationibus.

BENEDICTUS EPISCOPUS,

Servus Servorum Dei. Ad perpetuam rei memoriam.

Prooemium.

Ordinis S. Joannis Jerofolymitani laudes recensentur.

INTER illuſtria Religioſae Profeſſionis Inſtituta, quorum concordia varietate circumdata nitet Eccleſia Chriſti, decet Nos Hoſpitalem Militiam Sancti Joannis Jerofolymitani ſpecialis benevolentiae affectu complecti, quae in charitate fundata, virtute roborata, ſub Omnipotentis Dei protectione, adjuvantibus Praedeceſſoribus Noſtris Romanis Pontificibus, ac Religioſiſſimis Principibus, cunctisque Populis Chriſtianiſis omni ope adnitentibus, ad ſummum ſplendoris & gloriae fatigium pervenit; dum generoſi illius Fratres, ac Milites, animo ad pietatis officia demifſo, ad belli munera invicto, Chriſtiffidelibus humile hoſpitalitatis miniſterium, ac ſtrenuum defenſionis praefidium pari ſtudio praefantes, novo & inaudito exemplo, miram declarant vim Religionis Chriſtianae; quae pietatem armis ſociat, bellum cum charitate conjugit, ac viros exhibet caſtra ſequentes, Evangelicae perfectionis diſciplinam, pro militari Sacramento, ſolemni ritu proſtantes. Horum operam univerſae Chriſtianorum Reipublicae, & Apoſtolicae Sedis apprime utilem cum ſaepe iidem Praedeceſſores Noſtri agnoverunt, tum etiam Nos ipſi non una in re experti ſumus; adjectis inſuper ex parte Dilectorum Filiorum ejuſdem Militiae Magni Magiſtri, & Conventus, perſpicuis in Nos obſequii & obſervantiae argumentis, ac recurrentibus mutuis erga illos amoris Noſtri officiis & ſignificationibus. Cum autem ipſi de perpetua firmitate Privilegiorum & Indulgentiarum jam pridem ab hac eadem Apoſtolica Sede, ac etiam recentea a Nobis ipſis, eidem Militiae conceſſorum, tam pro eorum Ordinis dignitate & utilitate, quam pro felici & libero inſuſceptorum ſibi munerum exercitio, in commune Chriſtianae Rei bonum, merito ſolliciti, plurimum

Praes dicitur Ordinis pro generali confirmatione privilegiorum & jurium ej competentium.

optaverint, eadem per Nos recognita & recepta, novo confirmationis Noſtrae munimine roborari, ac ſicubi opus fuerit, declarari & ampliari; Nos eorumdem ſupplicationibus inclinati, pleraſque Praedeceſſorum Noſtrorum Litteras & Conceſſiones, favore Hoſpitalis ejuſdem Sancti Joannis Jerofolymitani, atque illius Militiae & Perſonarum, diverſis temporibus emanatas, Nobis repraeſentari juſſimus; ac diligenti praemiſſo examine, eaſdem partim in genere, partim diſtincte & expreſſe, ſub ea forma, quam praefenti temporum conditioni, & ejuſdem Ordinis ac Militiae ſtatu, magis aptam judicavimus, confirmare, innovare, ſeu reſpectivè declarare, & ampliare, ac etiam ex integro, ut infra, ſtatueret & indulgere decrevimus.

§. I. Itaque de Apoſtolicae auctoritatis plenitudine, & ex Noſtra certa ſcientia, eoſdem Dilectos Filios praedictae Hoſpitalis Militiae Magnum Magiſtrum, nec non Bajulivos, Priores, Caſtellanum Empoſitae, Praeceptores, Milites, Fratres, Cappellanos, Donatos, & Servitores, omneſque & ſingulas dicte Hoſpitalis & Militiae perſonas, a quibufvis Excommunicationis, Suſpenſionis, & Interdicti, aliisque Eccleſiaſticis ſententiis, cenſuris, & poenis, a jure, vel ab homine quavis occasione, vel cauſa latis, ſi quibus quomodolibet innodati exiſtunt, ad effectum praefentium tantum conſequendum, harum ſerie abſolventes, & abſolutos fore conſentes; nec non omnium Litterarum, Conceſſionum, atque Declarationum per quoscumque Romanos Pontifices Praedeceſſores Noſtros, & Sedem Apoſtolicam, ſeu alia quacumque auctoritate, favore ejuſdem Hoſpitalis, ac Militiae, eorumque Magni Magiſtri, & Conventus, ac perſonarum hujusmodi, nec non Locorum, bonorum, ac rerum, ſub quacumque forma editarum, tenores & datas praefentibus pro ſufficienter expreſſis, ac etiam inferſis habentes; Omnia & ſingula Privilegia, Immunitates, Exemptiones, Praerogativas, & alias quacumque gratias, conceſſiones, facultates, libertates, favores, & indulta, terram, mareque concernentia, eidem Hoſpitali, & illius Militiae, Prioratibus, Caſtellanae Empoſitae, Bajuliviis, Praeceptoribus, Domibus, Hoſpitalibus, Adminiſtrationibus, Officiis, Eccleſiis, Cappellis, Oratoris, Locis, & Membris quibufvis, ac pro tempore exiſtentibus Magno Magiſtro, & Conventui, dicte Militiae Fratribus Militibus, Proſiſſis, atque Novitiis, nec non Priori Eccleſiae, Cappellaniſ, Donatis, Servitoribus, Vaſſallis, atque Colonis, ac dictos Prioratus, Caſtellaniam, Bajulivias, Praeceptorias, Donos, Adminiſtrationes, Officia, Eccleſias, Cappellas, & Membra praefata obtinentibus, per eoſdem Praedeceſſores Noſtros Romanos Pontifices, ac dictam Sedem, ſeu per Nos ipſos, uſque in praefentem diem, in genere, vel in ſpecie conceſſa & elargita, ſeu per eoſdem a pro tempore exiſtentibus Imperatore, Regibus, & Principibus, aliisque Chriſtiffidelibus obtenta, quatenus ſint in uſu, nec ſint expreſſe revocata, aut Concilii Tridentini Decretis, & dicte Sedis Apoſtolicae Conſtitutionibus, nec non aliis Ordinationibus, in quibus de eadem Militia Hoſpitali expreſſa mentio fiat, ſeu praefentium Litterarum Noſtrarum tenori, adverſantia: Indulgentias quoque, & peccatorum remiſſiones, aliisque ſpirituales gratias, haecenus eis per dictos Praedeceſſores Noſtros, ſeu per Nos ipſos, conceſſas; praefertim Plenariam ſemel in vita, & in mortis articulo, pro eis eorumque Servitoribus, & Miniſtris, contra Infideles & Chriſtianae Reipublicae hoſtes pugnantibus, a ſel. rec. Praedeceſſore Noſtro Sixto Papa IV., aliisque Indulgentias pro viſitantibus Domos, Eccleſias, ſeu Cappellas ipſius Hoſpitalis, ab eadem Sede Apoſtolica diverſis temporibus elargitas, ſervatis ta-

Pontifex praemiſſo omnium examine votis d. d. Ordinis annuit.

Confirmatione generalis omnium Privilegiorum &c.

Item Indulgentiarum.

men